



Халқ сўзи

Ўзбекистон —
келажаги
буюк
давлат

1991 йил 1 январдан чиқа бошлаган • WWW.XS.UZ • E-mail: Info@xs.uz • 2018 йил 21 ноябрь, № 240 (7198) Чоршанба

Сайтнинг ўқувчи учун QR-коднинг телефонингизга оқдириш сканерини



«TOSHKENT CITY» — ХАЛҚИМИЗ БУНЁДКОРЛИК САЛОҲИЯТИНИНГ ЁРҚИН НАМОЎНИ

Ўзбекистон Республикаси Президенти Шавкат Мирзиёев 20 ноябрь куни пойтахтимиздаги «Toshkent City» халқаро ишбилармонлик маркази ҳудудида барпо этилаётган замонавий иншоотлар қурилиши билан танишди.



«Шарқ дарвозаси» дея таъриф бериладиган Тошкент шаҳрини яшаш учун қулай мегаполисга айлантириш, ҳудудда хизмат кўрсатиш, транспорт-логистика, бизнес инфраструктураларини ривожлантириш йўлида кенг қўламли бунёдкорлик ишлари амалга оширилмоқда.

Давлатимиз раҳбари ташаббуси билан барпо этилаётган «Toshkent City» халқаро ишбилармонлик маркази ана шундай ноёб лойиҳалардан бўлиб, пойтахтимизнинг жаҳондаги энг замонавий ва кўркам шаҳарлар қаторидан жой олишига хизмат қилади.

80 гектардан иборат халқаро ишбилармонлик марказида давлатимиз раҳбарининг аввалги ташрифлари чоғида берилган кўрсатмалар асосида қурилиш ишлари жадал олиб борилмоқда. Бизнес марказлар, меҳмонхоналар, конгресс-холл, офислар, кўп қаватли тураржойлар, рестороанлар ва бошқа объектлар етти лотга ажратилган ҳолда бунёд этилмоқда.

Президентимиз объект билан танишуви дунёнинг етакчи брендларидан бўлган беш юлдузли «Hilton» меҳмонхонаси қурилишини кўздан кечиришдан бошлади.

ли жаҳон стандартлари асосида сифатли қуриш, йирик делегацияларни қабул қилиш учун зарур қулайликлар яратиш бўйича топшириқлар берди.

Президентимизга 7-лотда амалга оширилаётган ишлар хусусида маълумот берилди. Ишбилармонлик марказининг ушбу ҳудуди Европа услубидаги сайилгоҳ, шунингдек, 7 ва 9 қаватли бинолардан ташкил топади. Биноларда қаҳвахона ва рестороанлар, савдо мажмуалари, танikli брендларнинг дўконлари, тураржой ва меҳмонхоналар, офислар жойлашади.

Давлатимиз раҳбари «Gardens Residence» тураржой мажмуасини ҳам бориб кўрди. Намуна сифатида қурилган 2 ва 4 хонали уйлар, тайёр уйлари сотиш бўйича савдо офиси — «Dream City» да хариддорларга яратилган шароитлар билан танишди.

Саккиз гектар майдонни эгаллайдиган ушбу комплекс тўққизта кўп хонадонли уйдан иборат бўлади. Уйлари лойиҳалашда барча замонавий жиҳатлар инобатга олинган. Кўп болали оилалар фарзандлари, ота-оналар ва меҳмонларга алоҳида-алоҳида хоналар ажратилган.

Тураржой мажмуаларини лойиҳалаш ва қуришга асосида лонсалтинг ва қуриш соҳаларидаги машҳур хорижий компаниялар жалб этилган.

Мана шундай шароитда яшаган одамларнинг дунёқараши, ҳаётга муносабати ўзгаради, янги маданият шаклланади, деди Президентимиз.

Давлатимиз раҳбари «Toshkent City» нафақат мамлакатимиз, балки Марказий Осиёдаги энг улкан ишбилармонлик ва тураржой масканга айланиши кераклигини таъкидлаб, уни замонавий шаҳарсозлик мезоёрлари асосида қуриш, бу ерда барпо этилаётган тураржой мажмуалари ва бизнес офислар ҳақида хариддорларга кўпроқ маълумот тақдим этиш юзасидан мутасаддиларга кўрсатмалар берди.

Матнозар ЭЛМУРОДОВ,
ЎЗА мухбири.

Ўзбекистон Республикаси
Президенти Матбуот хизмати
сурати.

НЕФТЬ-ГАЗ САНОАТИНИ РИВОЖЛАНТИРИШ БЎЙИЧА ВАЗИФАЛАР БЕЛГИЛАБ БЕРИЛДИ

Ўзбекистон Республикаси Президенти Шавкат Мирзиёев 20 ноябрь куни нефть-газ саноатидаги ишлар ҳолатини муҳокама қилиш ва соҳани янада ривожлантириш масалаларига бағишланган йиғилиш ўтказди.

Нефть-газ саноати мамлакатимиз иқтисодиётида муҳим ўрин эгаллайди. Ушбу соҳа нафақат энергия ишлаб чиқаради, балки кўплаб тармоқлар учун зарур бўлган полимерлар, органик кимёвий моддалар ҳамда азотли минерал ўғитлар ишлаб чиқаришда асосий хом ашё базаси ҳисобланади.

Кейинги икки йилда соҳада амалга оширилган ишловлар натижасида газ қазиб чиқариш ҳажми 10 фоиз орти, аҳолига табиий газ 15 фоиз ва суюлтирилган газ 1,6 баробар кўп етказиб берилди.

Шу даврда нефтни қайта ишлаш заводларида қўшимча 204 минг тонна нефть маҳсулотлари ишлаб чиқарилиб, икки бозорда бензин, дизель ёнилғисига бўлган талаб қондириб келинмоқда.

Шўртан ва Устюрт газ-кимё мажмуаларида жорий йилнинг ўзида газга нисбатан қўшилган қиймати 4 баробар кўп бўлган қарийб 700 миллион долларлик полиэтилен ва полипропилен ишлаб чиқарилади.

Нефть-газ соҳасини янада ривожлантириш мақсадида 2030 йилгача геология-қидирув ишлари олиб бориш, углеводородларни қазиб чиқариш ва чуқур қайта ишлаш бўйича умумий қиймати 36,5 миллиард долларлик 30 та инвестиция лойиҳасини амалга ошириш белгиланган.

Углеводородлар захирасини кўпайтириш бўйича аниқ чоралар қўрилмаса, яқин 10 — 15 йилда мавжуд захира 2 баробарга камаяди.

Шу боис йиғилишда «Ўзбекнефтьгаз» акциядорлик жамияти раҳбариятига геология-қидирув ишлари ва қазиб олиш ҳажмини ошириш, конларни модернизация қилиш ва янгиларини очиб, нефть-газ хом ашёсини чуқур қайта ишлаш, инвестицияларни кўпайтириш бўйича топшириқлар берилди. Жаҳон таҳрибаси асосида бу ишларга инвесторларни кенг-роқ жалб этиш, давлат ва инвесторлар манфаатини химоя қилишни таъминлайдиган янги механизмлар ишлаб чиқиш вазифаси қўйилди.

Шунингдек, 2017 — 2021 йилларда углеводород хом ашёсини қазиб олиш дастурининг иккинчи босқичини амалга ошириш ва уни молиялаштириш бўйича жорий йил якунига қадар тақлифлар киритиш топширилди.

Магистрал газ қувурлари ва газ тақсимот тизимининг асосий қисми таъмирталаб ҳолга келган. Келажақда истеъмолчиларни кафолатланган табиий газ билан таъминлаш мақсадида магистрал газ транспорт тизимини модернизация қилиш ҳамда газ оқими-

ни бошқариш (SCADA) тизимини жорий этиш бўйича 1,6 миллиард долларлик лойиҳа амалга оширилди.

Бундан ташқари, газ тақсимот тизимини модернизация қилиш, газ истеъмолчиси ҳисобга олиш ва назорат қилиш тизимини жорий этиш лойиҳаларига хорижий инвестиция ва кредитларни жалб этиш бўйича топшириқлар берилди.

Бунги кунда табиий газнинг атиги 2 фоизи чуқур қайта ишланиб, юқори қўшилган қийматли маҳсулотлар олинаётган бўлса, келгуси 10 йилда бу кўрсаткични 7 баробар ошириш имконияти бор. Шунинг учун «Ўзбекнефтьгаз» акциядорлик жамияти нефть ва газ кимёси йўналишига устувор аҳамият қаратиши зарурлиги таъкидланди.

Жумладан, ароматик углеводородлар (бензол, толуол, ксилол), метанолдан олинган олиш технологияси асосида янги маҳсулотлар — полистирол, полиэтилентерефталат ва синтетик каучуқлар ишлаб чиқариш, полиэтилен ва полипропилен ишлаб чиқариш кўпайтириш имконияти мавжуд. Ушбу лойиҳаларни амалга оширишга 9 миллиард доллар атрофида маблағ жалб қилиниши лозим.

Шунинг учун Европа мамлакатлари, Япония, АҚШ, Бирлашган Араб Амириқларидаги йирик компанияларнинг тўғридан-тўғри инвестицияларини жалб этиш ва лойиҳаларни амалга ошириш стратегияси ишлаб чиқарилади.

Йиғилишда «Ўзбекнефтьгаз» акциядорлик жамияти бошқаруви тизими мураккаб ва кўп-қоннали бўлгани сабабли соҳада ишловлар амалга оширилиши суст кечаётгани танқид қилинди.

Бошқарув тизимини такомиллаштириш мақсадида «Ўзбекнефтьгаз» акциядорлик жамиятининг ташкилий тузилмасини оптималлаштириш, тармоққа оид бўлмаган ташкилотларни тизимдан чиқариш бўйича кўрсатмалар берилди. Хусусан, функциялари бир-бирини тақрорлайдиган бошқарув бўғинларини қисқартириш, тармоқдаги сервис корхоналари ҳамда ёрдамчи ишлаб чиқаришларни давлат-хусусий шериклик асосида инвесторларга бериш кераклиги таъкидланди.

Соҳада мавжуд тўртта илмий-тадқиқот, иланиш ва лойиҳалаштириш институтлари негизда миллий нефть-газ илмий-тадқиқот институтини ташкил этиб, углеводородларни чуқур қайта ишлаш бўйича инновацион ечимлар топиш ва таъбиқ этишга алоҳида эътибор қаратиш вазифаси қўйилди.

ЎЗА.

Ўзбекистон Республикаси Президентининг ҚАРОРИ ИССИҚХОНА КОМПЛЕКСЛАРИНИ РИВОЖЛАНТИРИШ УЧУН ҚЎШИМЧА ШАРТ-ШАРОИТЛАР ЯРАТИШ ЧОРА-ТАДБИРЛАРИ ТЎҒРИСИДА

Мамлакатда мева-сабзавот маҳсулотлари етиштириш ва экспорт қилиш ҳажмларини кўпайтириш, ер ва сув ресурсларидан фойдаланиш самардорлигини ошириш, қишлоқ хўжалигига инновацион технологияларни жорий этиш бўйича чора-тадбирлар амалга оширилмоқда.

Шу билан бирга, ҳақиқий аҳоли таҳлили мева-сабзавот маҳсулотларини етиштириш ва хорижий давлатларга экспорт қилишда иссиқхона хўжалиқларининг салоҳиятидан тўлақонли фойдаланишга тўққилиш қилаётган муаммолар сақланиб қолаётганидан далolat бермоқда.

Хусусан, иссиқхона комплекслари ишлаб чиқариш бўйича замонавий қувватларнинг мавжуд эмаслиги маҳаллий ишлаб чиқарувчиларни усқуналарни хориждан келтиришга мажбур қилмоқда, бу эса уларга сервис хизматлари кўрсатиш билан боғлиқ муаммоларга ҳамда катта миқдорда куч ва маблағ сарфлашга сабаб бўлмоқда.

Замонавий иссиқхона комплексларини ташкил этишни давлат томонидан қўллаб-қувватлашнинг амалдаги механизмлари самардорлигининг пастлиги мева-сабзавот маҳсулотлари етиштириш, маъмур соҳага инвестициялар жалб қилиш бўйича бизнес-лоийҳаларни кенг миқёсда амалга оширишга тўққилиш қилмоқда.

Иссиқхоналарда етиштирилаётган қишлоқ хўжалиги эканларининг уруғлик материалларини етиштириш йўлга қўйилмаганлиги уларни хориждан импорт қилишга олиб келмоқда.

Ресурс ва энергия тежайдиган технологияларга асосланган иссиқхона хўжалиқларини жадал ривожлантириш учун қўшимча шароитлар яратиш, тўғридан-тўғри хорижий инвестицияларни кенг жалб қилиш, соҳани малакали мутахассислар билан таъминлаш ҳамда мева-сабзавот маҳсулотлари экспорти ҳажмларини ошириш мақсадида:

1. Куйидагилар Ўзбекистон Республикасида иссиқхона хўжалигини ривожлантиришнинг асосий йўналишлари этиб белгилансин:

мева-сабзавот маҳсулотларини ишлаб чиқариш, тайёрлаш, саралаш, калибровлаш, қадоқлаш ва экспорт қилишнинг бутун занжирини ўз ичига олувчи мева-сабзавот маҳсулотлари ишлаб чиқаришнинг кластер шаклини, шу жумладан, давлат-хусусий шериклик шартлари асосида жорий қилиш;

(Давоми 2-бетда).

ПАРЛАМЕНТЛАРАРО АЛОҚАЛАР БАРЧА СОҲА РАВНАҚИДА УСТУВОР АҲАМИЯТГА ЭГА

Олий Мажлис Қонунчилик палатаси Спикери Нурдинжон Исмоилов расмий ташриф билан Тожикистон Республикасида бўлиб турибди.

Хамкорлик

Парламент қўйи палатаси Матбуот хизмати хабарига кўра, ташриф давомида олий ва юқори даражадаги бир неча учрашувлар ўтказиш, «Талко кабель», Нурек ГЭС каби корхоналар ҳамда бошқа объектларга бориш кўзда тутилган.

Душанбе шаҳрида Ўзбекистон парламенти қўйи палатаси — Тожикистон парламенти қўйи палатаси — Мажлиси намоёндогон Мажлиси

Оли Раиси Шукржон Эҳуров билан учрашди. Икки томонлама хамкорликнинг ҳозирги босқичи ва келгусидаги истиқболлари муҳокама қилинди.

Ўзбекистон ҳамда Тожикистон ўртасидаги муносабатлар охири икки йилда жадал ривожланди, йиллар давомида ҳал қилинмаган муаммоларга ўзаро келишилган ҳолда ечим топилиди. Фақатгина сўнгги бир йил давомида Тошкент ва Душанбе ўртасида қиймати 730 миллион долларлик 180 та келишув ҳамда шартномалар имзоланди. 2018 йилнинг дастлабки

олти ойида ўзаро савдо ҳажми уч баробарга кўпайди. Яқин орада бу кўрсаткич 500 миллион долларга етиши кутулимоқда. Давлатлар раҳбарлари уни 1 миллиард долларга етказиш ниятида.

— Биз қўшимчилик муносабатлари, албатта, ўз ҳолига қайтишига ишонар эдик, — дейди Тожикистон парламенти қўйи палатаси — Мажлиси намоёндогон Мажлиси Оли Раиси. — 2016 йилнинг декабрида ҳокимият тепасига келган Ўзбекистон раҳбари Шавкат Мирзиёев қўшиллар билан алоқаларни яхшилаш ташаббусини илгари сурди.



Президент ташрифидан сўнг

УЛКАН ЎЗГАРИШЛАРНИНГ АМАЛИЙ ИФОДАЛАРИ



Кейинги пайтда Қорақалпоғистон Республикаси юксалиб бораётган саноат салоҳияти билан ҳам эътибор қозонмоқда. Чунки бу ерда амалга оширилаётган йирик лойиҳалар иқтисодий-иқтисодий соҳаларни ривожлантириш баробарида, меҳнаткаш ҳамда фидойи одамлар ҳаётига янгича мазмун олиб кирапти. Энг асосийси, ҳудуднинг инвестициявий жойбадорлиги ортмоқда.

Дарҳақиқат, бугун дунё тан олган кўплаб хорижий компаниялар Ўзбекистоннинг Шимолий минтақасига инвестиция киритишни фойдали ва муҳим аҳамиятга эга, деб ҳисоблашади. Бинобарин, Орлолбўйи чет эл ишбилармон доиралари вакиллари учун ишончли ҳамда жойбадор ҳудуд сифатида намоён бўлаётган. Бу ерда хориж сармояси иштирокида 109 та корхона фаолият юритаётгани бунинг яққол тасдиғидир.



УЛКАН ЎЗГАРИШЛАРНИНГ АМАЛИЙ ИФОДАЛАРИ

1 Айни пайтда Хитой, Россия, Қозғоғистон, Буюк Британия, Корея Республикаси, АҚШ, Япония ва бошқа мамлакатлар инвесторлари Нукус шаҳри, ҳатто энг чека овуларда ҳам ўз бизнесларини муваффақиятли йўлга қўйишган. Улар орасида хитойлик сармоядорлар кўчилиги ташкил этилди. Ушбу давлат капиталли асосида қарийб 40 та корхона фаолият юритмоқда. Уларда ишлаб чиқарилаётган қурилиш материаллари, фармацевтика ва озиқ-овқат саноати маҳсулотларига ташқи бозорда ҳам талаб катта.

Иқтисодий харитасида яқинда пайдо бўлган учта корхона қисқа вақтда ташқи бозорга маҳсулот етказиб бериш бўйича етакчилар сафидан жой олди. "Нукус полимер" масъулияти чекланган жамияти — улардан бири. Ушбу корхонада диаметри 16 мм.дан 630 мм.гача бўлган полистилен ва полипропилен кувурлар ишлаб чиқариш йўлга қўйилган. Ваҳоланки, илгари бу каби замонавий корхоналар ҳудудда йўқ эди. Эндиликда улар сони тобора кўпаймоқда.

Илғор гоғлар ва инновациялар

Ёши улуглар яхши эслашади. Орол фожисидан кейин ҳудуд аҳолисининг катта қисми иш қидириб бошқа вилоятлар, ҳатто хорижга ҳам чиқиб кетган. Малакали мутахассислар ўш

LD-телевизорлар, балки чангюткичлар йиғиш ўзлаштирилган ҳудуддаги биринчи ва ягона саноат субъекти ҳисобланади.

Унинг конвейеридан кунига 150 та телевизор ва 800 та чангюткич чиқади. Жамият директори Козимбек Яминовнинг айтишича, амалиётга илғор ускуналар татбиқ қилинаётгани туфайли машиий техника воситалари учун зарур бутловчи ва эҳтиёт қисмларни маҳаллилаштириш даражаси 45 фоизга етказилди. Унинг ҳамкори — масъулияти чекланган жамият шаклидаги "Uz-Kor Gas Chemical" қўшма корхонаси эса ўз вақтида зарур хом ашё етказиб бераётир.

Хорижлик сармоядорлар қулай бизнес

муҳитидан маннун

Замонавий технологиялар шарофати билан масъулияти чекланган жамият шаклидаги "Нукус электроаппарат" қўшма корхонасида йилига 250 та қуввати 6 кВт.дан 10 кВт.гача бўлган трансформатор нимстанцияларини тайёрлаш имконияти вужудга келди. Бундай маҳсулотнинг бозори эса чакрон. Жиззахда қад ростлаётган "Peugeot" ва "Citroen" бренди остида энгил автомобиллар ишлаб чиқариш заводи ҳамда қўшни давлатлардаги ташкилотлар унинг буюртмачилари қаторидан жой олгани бунга мисолдир.

Хозир корхонада 90 дан ортиқ кишилар меҳнат қиляпти. Ёш мутахассислар Тошкентдаги "Ўзэлектротехника" — "Электротех" ОАЖда малака оширгани айни мўддао бўлмоқда. Лазер машинаси оператори Аскар Қўлимуратов улардан биридир. Тошкент ахборот технологиялари университети Нукус филиалини тугатган бу йигит мураккаб техникани бошқаришни тезда ўзлаштириб олди.

— Бизнинг жамоа яхлит механизмдек ишлайди, — дейди у. — Жамоавий ишда муваффақият қозониш ҳар биримизга боғлиқ эканлигини яхши тушунамиз. Бунда менинг ҳам ҳиссам борлигидан фахрланаман. Шу ўринда алоҳида айтишни истардимки, биз, ёш авлод вакиллари ҳаётда ўз ўрнимизни топишимиз, севган касбимизни эгаллашимиз, малака оширишимиз учун давлатимиз томонидан барча шарт-шароит яратиб берилляпти.

Кўни кеча Президентимиз Шавкат Мирзиёев Қорақалпоғистонга сафари чоғида икки ёшнинг барт тўйига бориб, келин-куёвлар Султан Торенов ва Хурлиман Арзимовага янги уй қалитини топширди. Телевидениеда эфирга узатилган бу хайрли ишни кўриб, барчамиз хурсанд бўлдик.

Таъкидлаш керакки, минтақда ёш ва малакали мутахассисларга талаб юқори. Чунки чет эл инвестицияси иштирокида янги-янги корхоналар барпо этиляпти. Биргина жорий йилнинг ўтган даврида хорижий сармоя ҳисобидан 27 та замонавий ишлаб чиқариш субъекти ташкил қилинди. Хитой, Россия, АҚШ ва бошқа мам-



лакатларнинг ишбилармон доиралари томонидан қурилиш материаллари, тўқимачилик, саноат маҳсулотлари тайёрлаш, қизилмия илдинини қайта ишлаш лойиҳаларига маблағ йўналтирилмоқда. Хусусан, хитойлик тадбиркорлар шу мақсадларга 9,1 миллион АҚШ долларлик инвестиция ажратдилар. Бу ўтган йилдагидан сезиларли даражада кўпдир. Умуман олганда, Чин ўлкасидан келган ҳамкорлар кўмағида пайдо бўлган корхоналарнинг ташқи савдо айланмаси 124 миллион доллардан ошди.

— Биз ҳудудда анчадан бери қизилмия илдинини қайта ишлаш бўйича фаолият олиб борамиз, — дейди "Lanko Miya" компанияси вакили Чжоу Хайгао. — Чимбой ва Кегейли туманларида очилган корхоналарда 500 дан ортиқ кишилар меҳнат қиляпти. Маҳсулотнинг асосий қисми Хитой ва Европа бозорларига чиқаришмоқда. Бизнинг мамлакатда қизилмияни женьшень ўсимлиги даражасида қадрлашади. У нафақат доривор хусусиятга эгалиги, балки қандолат маҳсулотлари ва шоколад тайёрлаш учун муҳим хом ашё эканлиги туфайли ўта харидорғир саналади.

Япониялик сармоядорлар ҳам хитойлик ҳамкасблари қатори қизилмия илдинини қайта ишлашга алоҳида эътибор қаратаётир. Улар "Кайзен Техноложи" Ўзбекистон — Япония қўшма корхонасини тузишга бир миллион доллар йўналтиришни режалаштириляпти. Бу ерда кунига 1300 килограмм тайёр маҳсулот ишлаб чиқариш имконияти пайдо бўлади.

Хорижлик ҳамкорлар бошқа соҳаларга ҳам аҳамият беришмоқда. Малака, қувайтлик инвесторлар келгуси йилда Нукусда картошка чиқариш ишлаб чиқариш корхонасини қуришмоқчи. Айни чоғда шаҳарда меҳмонхона мажмуи ва Тахтақўпир туманида пансионат барпо этишга 20 миллион доллар сармоя киритиш ниятида. Соғломлаштириш масканиде меҳмонлар ва ҳудуд аҳолиси ер остидан чиққан шифобахш минерал сув ёрдамида саломатлигини мустаҳкамлашлари мумкин.

Тараққиётга йўналтирилятган инвестициялар

Бу каби ишлар давлат раҳбари томонидан халқ фаровонлиги ва мамлакатни гуллаб-яшнатиш йўлида олиб борилятган бунёдкорлик тадбирларининг бошланиши, ҳоло. Президентимизнинг 15-16 ноябрь кунлари Қорақалпоғистон Республикасига ташрифи давомида яқин вақтда рўйбга чиқарилиши мўлжалланган қатор янги истиқболли лойиҳалар тақдим этилди. Хусусан, Қунчиқар юрт компанияларидан бири тез орада икки гектар майдонда қистанхе этиштиришга киришади. Осиё давлатлари аҳолиси бу ўсимликни "чўлдаги ҳаёт илдини" деб атайдди. Бу бежиз эмас, албатта. Чунки чўл шароитида ўсадиган ушбу наботот турининг шифобахш хусусиятлари женьшенникидан беш баробар самаралидир. Япониянинг Ўзбекистондаги элчинонаси томонидан маҳаллий ҳамкорлар билан биргаликда ишлаб чиқилган пилот лойиҳалардан бири Нукусни қўшма сармояда қуришга қаратилган.

Жанубий Кореянинг "Хавчон Плант Констракшн" компанияси эса келгусида Қорақалпоғистонда замонавий цемент заводици барпо этиди ва уни тўлиқ автоматлаштириб беради. 400, 500 ва 600 маркали цементнинг 70 фоизи экспорт қилиниши кўзда тутилган.

— Жорий йил бошидан буён ҳудудга Хитой, Корея Республикаси, Япония, Қозғоғистоннинг ҳамкорлик қилишга тайёр бўлган йирик компаниялари вакиллари келди, — дейди Қорақалпоғистон Республикаси Вазирилар Кенгаши раисининг инвестиция ва туризм масалалари бўйича ўринбосари Бахитжан Хабибуллаев. — Уларнинг ичиде Хитойдаги кўп тармоқли "Фань Ши", "Мин Дао" ва "Ля Нун" масъулияти чекланган жамият шаклидаги корхоналар раиси ҳамда таъсисчиси Ма Лунин ҳам бор эди. У Мўйноқ ва Тахтақўпир туманларига борди. Ҳудудларнинг хом ашё имкониятларини ўрганган хитойлик делегация вакиллари қамшидан қоғоз тайёрлаш бўйича корхонага инвестиция йўналтиришга қарор қилдилар.

Узаро фойдали ҳамкорлик тўғрисидаги меморандумлар Корея Республикасидан келган ҳамкорлар билан ҳам имзоланди. Улар Нукусда корейс тили ва техник ўқитиш таълим маркази очиш, Тошкент педиатрия тиббиёт институти Нукус филиали ва Жанубий Кореянинг "Назарет Интернейшнл Хоспитал" клиникаси ўртасида алоқалар ўрнатишга қаратилгани билан эътиборга лойик.

Қорақалпоғистонда корейс модели бўйича илк мактабгача таълим маркази ҳам очилди. Корея Республикасининг "Эвергрин" ва "Чунг Дизайн" компаниялари болаларнинг ҳар томонлама баркамол вояга етишлари учун барча шароит яратиб бериладиган боғча қурилиши ҳамда жихозланмишга маблағ ажратишга тайёр турибди.

Хорижлик инвесторлар иштирок этиладиган ана шу лойиҳалар ҳудуд иқтисодийоти янада раванқ топтириш, аҳоли турмуш фаровонлигини ошириш, ҳаёт даражасини юксалтиришга хизмат қиляди. Зеро, юртимизда олиб борилятган исллохотлардан қўзланган мақсад-мўддао ҳам шу.

Ҳидоят АҲМЕДОВ,
"Халқ сўзи" мухбири.

Дил сўзи

Президентимизнинг ҳудудларга амалга ошираётган ҳар бир ташрифи барча соҳадаги исллохотларни янада жадаллаштиришга катта туртки бериши баробарида, одамларга кўтаринки кайфият бағишлаб, уларнинг эртанги кунга бўлган ишончини мустаҳкамлашга хизмат қилмоқда. Хусусан, давлатимиз раҳбарининг Қорақалпоғистон Республикасига сафари ҳам юртдошларимизда фахр ва ифтихор туйғуларини уйғотди, чет эллик сармоядорларда эса катта таассурот қолдирди. Буни улардан айримларининг куйидаги дил сўзларидан ҳам билиш мумкин.

ЭРТАНГИ КУНГА ЮКСАК ИШОНЧ

Аскар ИНОҒОМОВ,
"Кантекс Инвест" масъулияти чекланган жамияти раҳбари:

— Президентимиз қаерда бўлмасин, аҳолини, айниқса, ёшларни иш билан таъминлаш масаласига амалий ёндашади. Корхонамиз ҳам шундай эзгу ёндашув ва ташаббус туфайли ташкил этилди.

Йилига 11 минг тонна калава ип ишлаб чиқаришга ихтисослаштирилган корхонамизда айни пайтда дастгоҳларни ўрнатиш ва монтаж ишлари олиб боришмоқда. Насиб қилса, яқин кунларда 650 киши шу ерда меҳнат фаолиятига киришади.

Ниятимиз аниқ — маҳсулотларимизни тўлиқ экспортга йўналтириш.

Унгарбой ХОЛМУРОДОВ,
меҳнат фахрийси:

— Давлатимиз раҳбари Қорақалпоғистонга ҳар сафар келганида, улкан янгиликларни бошлаб бермоқда. Ёш кекса билан дилдан суҳбатлашиб, дардини, истакларини эшитяпти. Асосийси, ҳар бир масалага ечим топиб бермоқда. Мана, яқинда амалга оширилган сафари чоғида ҳам нурунийлар билан суҳбатлашди, замонавий боғчани бориб кўрди, болаларнинг даврасида уларга яратилган шарт-шароитлар билан қизиқди.

Ҳудуд аҳолисининг эртанги кун, фаровон ҳаётини қандай бунёд этиш, улкан режалар хусусида сўз юритди. Бундан беҳад мамнунимиз. Яқин йиллар ичиде юртимиз катта марраларни эгаллаши мумкарар.

Алибек САБУРОВ,
Қорақалпоғистон Республикаси инвестиция бўйича қўмитаси бўлим бошлиғи:

— Амалга оширилятган исллохотлар самараси 2018-2019 йилларда Оролбўйида саноат, қишлоқ ҳўжалиги, хизмат кўрсатиш соҳаларини ривожлантириш мақсадида 4 триллион 530 миллиард сўмлик 318 та лойиҳа ҳаётга татбиқ этилятганида яққол акс этиб турибди. Бу 7111 киши иш билан таъминланади, дега-нидир. Қаранг, 166 та лойиҳа жорий йилнинг охирига қадар рўйбга чиқарилади. Натижада ҳудуд салохияти янада юксалади, аҳоли даромадлари яхшиланади, одамлар кайфияти кўтарилади.

Ғайратдин ХОЖАНИЯЗОВ,
Ўзбекистон Қаҳрамони:

— Юртбошимиз ҳар сафар Оролбўйига келганида одамлар билан самимий суҳбатлашиб, уларни йўналтираётган масалалар ҳақида сўрайди. Муаммоларни ҳал этиш бўйича аниқ топшириқлар беради.

Бу галги ташрифда ҳам шундай муҳит ҳукм сурди. Давлатимиз раҳбари Қорақалпоғистоннинг кўпбал жойлариде бўлиб, ҳудуд истиқболига, аҳоли ҳаётига дахлдор бир нечта лойиҳа билан яқиндан танишди. Мўҳим ваазифалар хусусида қимматли тавсияларини билдирди. Қорақалпоқ эли ана шу сафар ҳақида тўлқинланиб гапиряпти. Ўз навабатида, юксак муносабат ва ғамхўрликнинг масъулиятини дилдан чуқур ҳис қилишмоқда.

Субрата ДЕБ,
Германиянинг "Стручлер" компанияси вакили:

— Ўзбекистон тараққиёт йўлидан бормоқда. Иқтисодий йўналишдаги исллохотлар, хорижий инвесторларга яратилаётган имкониятлар ҳудудларда янги корхоналар ташкил этилишига асос бўлмоқда.

Ҳамкорлигимиз ҳам шундай саъй-ҳаракатлар натижасидир. Яъни Конликўл туманида замонавий корхона қуралимиз. Унинг лойиҳа қиймати 38,52 миллион АҚШ долларини ташкил этиди. Шу кунларда дастгоҳларни ўрнатиш, монтаж ишларини олиб бормоқдамиз. Биз бу олижаноб мамлакатда, албатта, муваффақиятга эришамиз.



Султан Торенов ва Хурлиман Арзимова:
— Президент совғаси ҳаётимизда қувончли воқеа бўлди, биз буни ҳеч қачон унутмаймиз. Келгусида ўз соҳамиз бўйича етук мутахассислар бўлиб, Ватан равнақи ва давлатимиз раҳбарининг юксақ ишончини оқлаш йўлида шижоат билан меҳнат қиламиз.

лаш мумкин. Чунки янги қувватларни ишга тушириш ёки мавжудларини модернизация қилиш бўладими, саноат истиқболига қаратилган стратегик аҳамиятга молик лойиҳаларми — уларнинг ижроси бевосита жалб этилятган инвестицияларга бориб тақалади. Бироқ сармоя ўз-ўзидан келавермаслиги оддий ҳақиқат. Давлатимиз раҳбарининг ташаббуси билан иқтисодиётимизда рўй бераётган туб ўзгаришлар замирида, аввало, қулай инвестиция муҳити яратиш мақсади мўжассамдир.

Президентимизнинг жойларда исллохотларнинг бориши, амалга оширилятган бунёдкорлик ишлари, йирик лойиҳалар билан танишиш мақсадида ҳудудларга ташрифида айни шу масалаларга устувор аҳамият қаратилляпти. Натижада чека қишлоқ ва овуларда замонавий саноат мажмуалари пайдо бўляпти. Охириги икки йилда Қорақалпоғистонда ҳаётга татбиқ қилинган инвестициявий лойиҳалар бунга яққол мисолдир.

Жумладан, давлатимиз раҳбари ташаббуси билан Қорақалпоғистон

лим ва кўникмаларини Ватанидан узоқ ўлкаларда қўллашга тўғри келган. Энди эса вазият тубдан ўзгарди. Илғор гоғлар, инновация ишланмалар шу ерда амалиётга жорий этиляпти. Бунинг учун барча шарт-шароит яратиб бериляпти. Натижада авваллари одамлар тасаввурига симаган лойиҳалар реал ҳаётга татбиқ этиляпти. Қорақалпоғистонда замонавий телевизиорлар йиғилятгани ана шундай янгиликлар сирасига киради.

Машиий техникалар ишлаб чиқаришга ихтисослаштирилган ушбу корхонага кирар эканмиз, пешлавахдаги ёзув эътиборимизни тортиди. Унда мазкур завод Ўзбекистон Республикаси Президенти Шавкат Мирзиёев ташаббуси билан бунёд этилгани битилган.

Давлатимиз раҳбари ушбу корхонани қуриш гоҳисини айтганидан бор-йўғи саккиз ой ўтиб, миҳозларга "Нукус Ревамиз" масъулияти чекланган жамиятининг дастлабки маҳсулотлари етказиб берила бошланди. Кези келганда, таъкидлаш жоизки, у нафақат "Самсунг" бренди остида замонавий

2019 йилда:

- 2019-2020 йилларда Қорақалпоғистонда саноат, хизмат кўрсатиш ва қишлоқ ҳўжалиги соҳаларини ривожлантириш бўйича 1018 та инвестиция лойиҳаси ишлаб чиқилган. Бу мақсадлар учун 11 триллион сўм, жумладан, 895 миллион долларлик тўғри хорижий инвестициялар йўналтириш режалаштирилган.
- Мўйноқ туманида "Ўзбекистон мустақиллиги" маркази бунёд этиляди.
- Нукус туманида 5 миллион долларлик инвестиция эвазига картошқадан чипс тайёрлашга ихтисослаштирилган замонавий корхона ташкил қилинади.
- Амударё туманида 7 миллион долларлик инвестиция ҳисобига темир ва арматура маҳсулотлари тайёрлаш йўлга қўйилади.
- Тахтақўпир туманида 30 миллион долларлик тўғридан-тўғри инвестиция эвазига мактабдан ортиқ янги фармацевтика маҳсулотлари ва қамшидан қоғоз ишлаб чиқариш бўйича 2 та лойиҳа амалга ошириляди.
- Қорақалпоғистонда 400 миллион долларлик инвестиция ҳисобига йилига 3,4 миллион тонна цемент ишлаб чиқариладиган завод барпо этишга киришиляди.
- Нукус, Беруний, Мўйноқ, Қўнғирот, Қораўзақ туманларида ичимлик суви таъминотини яхшилаш бўйича умумий қиймати 172 миллион доллар бўлган лойиҳа амалга оширилади бошланди. Натижада кейинги 2-3 йилда 390 минг аҳолининг ичимлик суви таъминоти тубдан яхшиланади.
- "Обод қишлоқ" ва "Обод маҳалла" дастурлари доирасида 45 та қишлоқ ва 3 та маҳаллада 746 миллиард сўмлик ишлар бажарилади.
- Қишлоқ ҳудудларида МИНГТА ЯҚИН арзон уй-жойлар қурилади. Нукус шаҳрида эса 10 та кўп қаватли уй қурилиб, тураржойга муҳтож 450 та оила ўз хонадонига эга бўлади.

ЁШЛАР ТАРБИЯСИДА ЙЎЛ ҚЎЙИЛГАН КАМЧИЛИКЛАР ТАНҚИД ҚИЛИНДИ

Бола тарбияси ҳамма учун бирдек масъулиятли вазифа. Аммо битта туманда вояга етмаганлар ва ёшлар томонидан содир этилган жиноятлар умумий жиноятларнинг қарийб учдан бирини, яъни 38,3 фоизини ташкил этса, бунга ким жавоб беради? Энг ёмони, кўнгилочар масканларда тунги вақтларда вояга етмаган ўсмирлар бўлгани аниқланиб, уларнинг катта қисми мактаб ўқувчилари экани қайд этилса-чи?

Маҳаллий Кенгашларда

Ҳудудларда жиноятчиликнинг барвақт олдини олиш ва ҳуқуқбузарликка қарши курашиш Республика комиссияси ҳамда халқ депутатлари Фарғона вилояти Кенгашининг қўшма йиғилишида айни шу саволлар ўртага ташланди. Республика комиссияси ва 1-минтақавий ишчи гуруҳи аъзолари, сенатор ва депутатлар ҳамда

масъул идоралар, ҳуқуқни муҳофаза қилувчи органлар, давлат ва жамоат ташкилотлари раҳбарлари иштирокида қатор долзарб масалалар муҳокама этилди. Жумладан, вилоятда жорий йилнинг ўтган ўн ойида жиноятчиликнинг барвақт олдини олиш ва ҳуқуқбузарликка қарши курашиш борасида амалга оши-

рилган ишларни ўрганиш натижалари таҳлил қилинди. Ўтган даврда ҳудудда бу йўналишда муайян саъй-ҳаракатлар қилинган. Профилактика ишлари доирасида вилоятнинг жиноят кўп содир этилган маҳаллалари танланиб, ушбу фуқаролар йиғинларини бу йўналишдаги намуна-

вий маҳаллага айлантиришга қаратилган "йўл хариталари" ишлаб чиқилган ва икром этилмоқда. "Жиноятга қарши курашиш ҳақиқати ва адолати" тизими доирасида ваколатли давлат идоралари, маҳалла, Хотин-қизлар қўмитаси ҳамда ёшлар ташкилотлари томонидан жиноятнинг туб сабаблари ва уларни келтириб чиқарган омиллар ўрганилиб, қайта содир этилмаслиги учун зарур чора-тадбирлар, айбдорларга нисбатан қонун устуворлиги ҳамда жазо муқарарлиги доирасида қатъий чоралар қўрилятгани таъкидланди. Бирок ютуқлар қаторида вилоятда айрим йўналишларда камчиликлар ҳам борлиги аниқланган. Хусусан, таҳлил

этилятган йўналишда секторлар фаолияти ҳамда давлат ва жамоат ташкилотларининг ўзаро ҳамкорлиги тўғри йўлга қўйилгани натижасида қасдан одам ўлдириш, босқинчилик, одам ўлими билан боғлиқ йўл-транспорт ҳодисаси каби оғир жиноятлар сони Фарғона, Қўқон, Қувасой, Марғилон шаҳарлари, Олтиариқ, Қува, Бувайда, Бағдод, Беашарқ, Қўштепа, Тошлоқ, Сўх, Риштон, Фарғона, Фуқрат туманларида ошган. Бундай ноҳуш статистиканинг сабаблари таҳлил қилинар экан, аксарият ҳолларда жиноятлар содир этилишига оилавий муносабатларнинг кескинлашуви, фуқаролар иқтисодий аҳолининг ёмонлашуви, қолаверса, маҳалла ва

жамоатчиликнинг нотинч оилаларга нисбатан лоқайдлиги сабаб бўлятгани айтиб ўтилади. Шунингдек, йиғилишда таълим муассасалари, Ёшлар иттифоқи, вояга етмаганлар ишлари бўйича Комиссиялар ва бошқа мутасадди идоралар фаолияти ҳам кўтилган натижаларни берилятгани танқид остига олинди. Яқунда ҳудудларда жиноятчиликнинг барвақт олдини олиш ва ҳуқуқбузарликка қарши курашиш бўйича Республика комиссияси ҳамда халқ депутатлари Фарғона вилояти Кенгашининг қўшма қарори қабул қилинди. Йиғилишда Республика комиссияси Раиси, Ўзбекистон Республикаси Олий Мажлиси Сенати Раиси Н. Йўлдошев иштирок этиди.

Элёржон ЭҲСОНОВ,
"Халқ сўзи" мухбири.

ПРЕЗИДЕНТ МАКТАБЛАРИДА ЯНГИ АВЛОД КАДРЛАРИ ТАЙЁРЛАНАДИ

Аввал хабар қилинганидек, Президентимиз Шавкат Мирзиёев Қорақалпоғистон иқтисодий ва илмий-технологик ривожланиш масалаларига бағишланган йиғилишда кадрлар тайёрлаш масаласига алоҳида тўхталиб, жумладан, шундай деди: "Мамлакатимизни янги тараққиёт босқичига кўтаришни ўз олдимизга устувор вазифа қилиб қўйган эканмиз, буни амалга ошириш учун бизга, энг аввало, янги авлод кадрлари керак. Ана шундай юксак салоҳиятли кадрларни тарбиялаш мақсадида юртимизнинг ҳар бир ҳудудидан биттадан янги тилдаги мактаблар — Президент мактабларини ташкил этишни режалаштирганмиз".

Хушxabар

Давлатимиз раҳбари бу ишни Қорақалпоғистондан, Нукус шаҳридан бошлашни тақдир қилди. Юртимизимиз ташаббусини барча қизгин қўллаб-қувватлади. Ҳўш, Президент мактабларининг фаолият йўналиши қандай бўлади? Халқ таълими вазириликнинг маълум қилишларича, мазкур мактабларнинг асосий мақсади мамлакатимизнинг ҳар бир

вилоятда иқтидорли ёшларни аниқлаш ва уларнинг ривожланишига керакли шарт-шароитлар яратишдан иборат. Бундай таълим муассасалари STEAM (Science (фан), Technology (технология), Engineering (муҳандислик), Art (санъат) ва Mathematics (математика) фанларини ўқитишга ихтисослаштирилган бўлади. Яъни ушбу мактабларда ёшларга математи-

ка, физика, кимё, биология ва ахборот технологиялари ҳамда хорижий тиллар илғор таълим методологиялари асосида чуқур ўргатилади. Президент мактабларида ўқувчиларни танлаш ва таълим сифатини таъминлаш учун уларни хорижлик мутахассислар бошқаради. Шу билан бирга, мактабга малакали хорижлик ҳамда маҳаллий педагоглар жалб этилади, уларнинг самарали фаолияти учун шарт-шароитлар яратилади. Аини пайтда тегишли вазирлик ва идоралар томонидан Президент мактаблари фаолияти ва ўқувчиларни қабул қилиш масалаларини тартибга солувчи керакли меъёрий-ҳуқуқий ҳужжатларни тайёрлаш бўйича ишлар бошланади. Мазкур ҳужжатлар ўқувчиларга қўйилаётган талаблар ва қабул қилиш жараёнини белгилаб беради.

Фозилдин АБИЛОВ («Халқ сўзи») тайёрлади.

Бугун мамлакатимиз улкан қурилиш ва бунёдкорлик майдонига айланган. Давлат статистика қўмитасининг маълумотларига кўра, жорий йилнинг 6 ойи давомида

1 триллион 460 миллиард

сўмлик қурилиш ишлари амалга оширилган бўлиб, бу ўтган йилнинг шу давридагига нисбатан 9,1 фоиз ўсганини кўрсатади.

ҚУРИЛИШ ИШЛАРИДА 3D ТЕХНОЛОГИЯЛАРИДАН ФОЙДАЛАНИЛАДИ

Лекин бу кўрсаткич янада юқори бўлиши ҳам мумкин эди. Қачонки, эски тизимдан қолган тартиб-таомиллар билан эмас, балки замон талаблари асосида иш юритилганида вазият бошқачароқ тус оларди. Биргина мисол, юртимизда қурилиш соҳасида собиқ тузумдан мерос қолган, яъни 1964 йилдан 1979 йилгача ишлаб чиқилган 337 та, жами 465 та қурилиш талаби бор экан. Яна бир мантисиз қондага эътибор беринг, аҳоли яшайдиган иморатлар шаҳарларда 4 қаватдан, қишлоқ жойларда эса 2 қаватдан ошмаслиги белгилаб қўйилган. Табиийки, бунга ҳеч қандай амал қилмай қўйган. Лекин ушбу талаб қозғаларда қолиб кетганди.

Қурилиш қилиш учун рухсат олишда ҳам шундай шундай инновацион ғоя ва янги технологияларни қўллашга имкон бермайдиган, соҳа ривожини орта тортдагидан қондалар сақланиб қолган эди. Оқибатда мамлакатимиз "Қурилишга рухсат бериш" халқаро индексида 190 та давлат орасида 134-ўринга тушиб қолди.



Дўстлик ришталари

Афғонистон Олий таълим вазирлигига 25 та автобус тақдим этилди

Қобул шахрида Ўзбекистон Республикаси Президентини номидан мамлакатимизда ишлаб чиқарилган 25 та автобусни Афғонистон Ислом Республикаси Олий таълим вазирлигига топшириш маросими бўлиб ўтди.



Ўзбекистон Ташқи ишлар вазирлиги матбуот хизмати хабарига кўра, афғон халқига аталган тўхфани мамлакатимизнинг Афғонистондаги элчиси топширди. Маросимда идрора чиққан вазирлик ва идораларнинг расмий вакиллари Ўзбекистон — Афғонистон муносабатлари барча соҳада сезиларли даражада фаоллашгани, бу, аввало, Ўзбекистон Президенти Шавкат Мирзиёев томонидан

амалга оширилаётган очқилик ва қўшни Афғонистон билан дўстлик алоқаларини мустаҳкамлашга қаратилган сиёсати билан чамбарчас боғлиқлигини мамнуният билан қайд этилар. Савдо-иқтисодий ҳамкорлигини фаоллаштириш, Афғонистонга йирик инфратузилма лойиҳаларини амалга оширишда кўмаклашиш ҳамда уни минтақавий иқтисодий интеграция жараёнига жалб

этиш орқали мамлакатимизда тинчлик ва барқарорликни ўрнатилга қаратилган Ўзбекистоннинг саяё-ҳаракатлари юксак эътирофга лойиқ, — деди Афғонистон Ислом Республикаси транспорт вазири Муҳаммад Ҳамид Таҳмасий. Олий таълим вазири Нажибулла Ҳўжа Омарий Ўзбекистон Президентига афғон халқига кўрсатилган юксак эътибор учун чуқур миннатдорлик изҳор этиб, ушбу саяё-ҳаракат Ўзбекистоннинг Афғонистон халқига дўстона муносабатининг ёрқин намунаси эканлигини билдирди. — Биз халқимизнинг эҳтиёж ва орзу-умидларини рўёбга чиқаришга қўшаётган ҳиссаси учун Ўзбекистон томонига чин дилдан раҳмат айтаман, — деди Афғонистон молия вазири ўринбосари Абдулла Рақибий. — Ўйлаёмизки, икки томонлама муносабатларимиз бундан кейин ҳам барча соҳада изчил ривожланиб, раванқ топиб бораверади.

О. ЛУТФУЛЛАЕВ тайёрлади.

2019 — 2021 йиллар давомида қурилиш соҳасидаги 465 та миллий норма ҳамда талаблар қайтадан ишлаб чиқилади ва хорижий стандартларга мослаштирилади



жатар расмий тан олинмаган бўлди. Қурилиш учун ер участкалари ўз вақтида ва тўғри ажратилиши ҳамда қурилиш-монтаж ишлари учун тегишли ҳудудларнинг ҳоқимлари шахсий жавобгар қилиб белгиланди. Қурилиш учун ер участкалари ўз вақтида ёки нотўғри ажратилиши натижаида етказилган зарар эса маҳаллий бюджетлар маблағлари ҳисобидан қопланади. Бу маблағлар кейинчалик айбдор шахслардан регресс тартибда ундириб олинади. Фармонга асосан, қурилиш соҳасида фаолият юритишга рухсат бериш талаблари ҳам ўзгаради. Яъни

ган усқуналар билан мажбурий тартибда жиҳозланиши лозим. Шунингдек, объектларнинг фойдаланишга қабул қилинганга қадар энергетик аудит спортини олиш талаби ҳам қўйилмоқда. Яна бир янгилик шуки, эндиликда

қурилиш соҳасидаги миллий норма ва талаблар қайтадан ишлаб чиқилади ҳамда хорижий стандартларга мослаштирилади. Бу жараён 2019 — 2021 йиллар давомида босқичма-босқич амалга оширилади. Яъни 2019 йилда 120 та, 2020 йилда 196 та, 2021 йилда 149 та, ҳаммаси бўлиб, ҳозирги кунда амалда бўлган қурилишдаги 465 та талаб ва қондалар, техник регламентлар "элак"дан ўтказилади. Шу билан бирга, қурилиш соҳасини техник тартибга солишининг норматив базиси ҳам ислоҳ қилинади. Бу жараён уч босқичда амалга оширилиб, келажакда миллий ва мослаштирилган хорижий қурилиш нормалари ҳамда қондаларини қўллаш тажрибасини умумлаштириш асосида қурилиш тармоғини техник тартибга солишининг ягона норматив базиси яратилади. Бошқа соҳаларда бўлгани каби қурилиш ҳамда лойиҳалаш соҳасидаги қондалар ҳам эндиликда очик-ойдин ва шаффоф бўлади. Яъни белгиланган тартибда рўйхатдан ўтказилган қурилиш стандартлари, техник регламентлар, қурилиш нормалари ҳамда қондаларининг ягона каталоги яратилади. Фармонга асосан, Вазирлар Маҳкамаси 2019 йил 1 июлдан бошлаб қурилиш жараёнининг барча иштирокчиси (бурюртмачи, лойиҳачи, пудратчи) учун BIM технологияларини қўллашга босқичма-босқич ўтишни назарда тутувчи тартибни тасдиқлайди. Ҳўш, BIM технологияси нима ўзи? — BIM — бугунги кун талабига жавоб берадиган технология, — дейди "ТошуйжойЛИТИ" ДУК бош директори Каҳрамон Каҳимов. — Яъни 3D форматда лойиҳалаштириш ва қурилиш ишларини олиб бориш ҳамда ушбу жараёнларнинг охириги босқичларини кўриши имкониятини беради. Бу эса қурилиш сифатини оширади.

Кисқаси, Фармондан ўрин олган кенг қўламли чора-тадбирлар мамлакатимизда қурилиш соҳасини халқаро талаб ҳамда қондаларга уйғунлаштириш, бунёдкорлик ишларини жадал ривожлантиришга хизмат қилади.

Бош прокуратура хузуридаги Ахборот-таҳлил мультимедиа маркази материаллари асосида Раҳим ШЕРҚУЛОВ тайёрлади.



Давлатимиз раҳбари ташаббуси билан бошланган бунёдкорлик ғояси "Обод қишлоқ" дастури кўринишида Навоий вилоятининг саккизта ҳудудида истиқомат қилаётган 67 минг 340 нафар аҳоли ҳаётида ифодасини топмоқда. Унга биноан, 16 та қишлоқдаги 11 372 хонадонда ободонлаштириш ишлари бажарилиши, 146 километрлик электр, 136 километрлик газ, 155 километрлик ички йўл,

138,7 километрлик ичимлик суви тармоғи, 68 та ижтимоий соҳа, 57 та инфратузилма объектида таъмирлаш ва реконструкция ишлари амалга оширилиши режалаштирилган. Шу мақсадда бу қишлоқларда бош режа ишлаб чиқилди. Олиб борилган кенг қўламли юмушлар тўғрисида мазкур масканлар мутлақо янги қиёфа касб этаётди.

ГЎЗАЛ МАНЗИЛ МАНЗАРАЛАРИ



Нурота туманидаги Чўя қишлоғи шундоқ Оқтов эстагида жойлашган. Дастур асосида бу ердаги 2 та умумтаълим мактаби таъмирланди, тиббиёт муассасаси реконструкция қилинди, спорт майдончаси, гузаллик саломи, маҳалла гузари, ҳаммом, бозор, тўйхона, сунъий қопламали футбол майдончаси ҳамда 8 та савдо дўкони бунёд этилиб, фойдаланишга топширилди. Марказий кўчаларга тунги ёритиш чироқлари ўрнатилди.

— Қишлоғимиздаги коллежи инобатга олмасак, сўнгги Чўя қишлоғида ✓ 436 та тураржой, ✓ 21,7 км. электр, ✓ 0,9 км. ичимлик суви тармоғи, ✓ 14,6 км. ички йўлда қурилиш-таъмирлаш ишлари бажарилади.

йигирма йил ичида бирорта ҳам кўзга кўринадиган иншоот қурилган эмасди, — дейди меҳнат фахрийи Убайдулла Иброҳимов. — Аксига олиб боғча ва шифохона каби муассасалар ёпилиб кетди. Йўл қурилиши нари турсин, қачон охириги марта таъмирланганлигини ҳам эслай олмаيمиз. Қишлоқда бунёдкорлик ишлари баробарида, ижтимоий ва профиллактика тадбирлари ҳам катта эътибор берилди. Масалан, мўкин иш ўрни бўлмаган 100 кишининг бандлиги таъминланди, 3 минг 428 нафар аҳоли тиббий кўриқдан ўтказилиб, 6 нафарига даволаниш учун имтиёзли йўлланма берилди. Шуларга мос ҳолда оилавий ва яқна тартибдаги тадбиркорликни кенг ривожлантириш мақсадида тижорат банклари томонидан 57 кишига 519 миллион сўмлик микрокредит маблағлари ажратилди. Учқудук туманидаги Қулқудук овули ҳам қисқа фурсатда шундай кўркман ман-

зилга айланди. Вилоят марказидан анча олисда жойлашган ушбу ҳудуддаги 130 та уй-жойнинг барчаси ободонлаштирилиб, меъморчилик йиғини масъул котиби Шаригул Назирова. — Нераки, энди кўнглимизни тўқ қилиб фаолиятимизни давом эттираимиз. Бунинг устига, болаларимиз бу масканда баркамол бўлиб улғаяди. Гапнинг очиги, Манас қишлоғида бажарилган бунёдкорлик ишларини, хусусан, у ерда қурилган маҳалла гузари, маданият маркази ва бошқа объектларни телевизорда кўриб, роса ҳавасимиз келганди. Минг шўкр, бизнинг қишлоқда ҳам шундай эзгуликлар рўёбга чиқарилди. Томди туманидаги Утемурад қишлоғи аҳлини узоқ йиллардан буён ташвишга солиб келадиган муаммолар ҳам дастур доирасида ҳал қилинди. Бу ердаги 20,1 км. электр, 1,6 км. ички йўл таъмирланиб, фуқаролар йиғини биноси реконструкция қилинди. Мактаб, мактабгача таълим, тиббиёт муассасалари таъмирланишидан ташқари, тўлиқ жиҳозланди. Қишлоқдаги савдо дўкони фаолияти замонавий шаклда



Утемурад қишлоғида ✓ 101 уй-жой таъмирланди, кўчаларга тунги ёритиш чироқлари ўрнатилди. ташкил этилди. Аҳолига зарур шарт-шароит яратиш мақсадида тижорат банклари томонидан 18 нафар фуқарога 112 млн. сўмлик микрокредит ажратилди. Шу боис "Обод қишлоқ" дастури доирасида мазкур масканларда амалга оширилган бунёдкорлик ишлари тақдироти ҳамда янги уйлар ва объектларнинг очилиш маросимлари ҳақиқий байрамга айланиб кетди. Тадбирларда Ўзбекистон Республикаси Президентининг маслаҳатчиси Т. Худайбергенов иштирок этди. Темура ЭШБОВ, «Халқ сўзи» муҳбири. (Муаллиф олган суратлар).

Халқ сўзи Народное слово. МУАССИСЛАР: Ўзбекистон Республикаси Олий Мажлиси Қонунчилик палатаси Кенгаши, Ўзбекистон Республикаси Олий Мажлиси Сенати Кенгаши ва Ўзбекистон Республикаси Вазирлар Маҳкамаси.

Бош муҳаррир Ўткир РАҲМАТОВ. 2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буюртма Г — 1145. 72 518 нусхада босилди, ҳажми — 2 табоқ. Офсет усулида босилган. Қозғоқ бичими А—2. Баҳоиси келишилган нархда. ТЕЛЕФОНЛАР: Девонхона 71-233-52-55; Котибият 71-233-10-28; Эълонлар 71-232-11-15.

ТАҲРИРИЯТГА КЕЛГАН ҚЎЛҲАТЛАР ТАЪРИФ ҚИЛИНМАЙДИ ВА МУАЛЛИФГА ҚАЙТАРМАЙДИ. Газетанинг етказиб берилиши учун обунани расмийлаштиришга ташкилот жавобгар. Газета таҳририят компьютер марказида термал хамда оператор М. Бегмуратов томонидан сақланади. Газетанинг полиграфик жиҳаздан сифатли чоп этилишига "Шарқ" нашриёт-матбаа акциядорлик компанияси масъул. Босмахона телефони: 71-233-11-07. МАНЗИЛИМИЗ: 100000, Тошкент шаҳри, Матбуотчилар кўчаси, 32-уй. Навбатчи муҳаррир — З. Худойшукуров. Навбатчи — Д. Улугмуродов. Мусахҳах — Ш. Машраббоев. "Шарқ" нашриёт-матбаа акциядорлик компанияси босмахонаси. Корхона манзили: "Буюк Турон" кўчаси, 41. Ҳўл яқини — 02.00 Топширилди — 02.35 1 2 3 4 5